

quomodo in re dubia, vel probabili potest fundari certitudo? Respondeatur, quia non fundatur in illo tanquam in principio, sed solum tanquam in solo simplici termino, seu extremitate syllogismi, ex quo conficitur certum aliquod principium practicum in hunc, vel similem modum. In tali dubio vel probabilitate licitum est sic operari; sed hic intercedit tale dubium, vel probabilitas: ergo licitum est, etc.; illae enim praemissae non sunt dubiae, vel probabiles, sed evidentes, et certae, vel assumunt dubium, vel probable tanquam medium, vel extremitatem syllogismi.

8. *Quid scrupulosa, et quotuplex.* — Eodem etiam modo explicanda est conscientia scrupulosa, quae dupliciter etiam contingit. Uno modo formaliter in ipsomet iudicio practico, ut quando homo judicat sibi hoc esse peccatum non ex principiis certis, aut probabilibus, sed ex nimio quodam timore, et cordis anxietate cum quibusdam apparentibus principiis, et talis conscientia merito distinguitur a certa et probabili, quia quamvis includat iudicium opinativum, non tamen probabile, neque enim omnis opinio probabilis est. Alio vero modo dicitur conscientia scrupulosa, quae non excludit practicam certitudinem in iudicio conscientiae, sed habet cum illo conjunctas quasdam dubitationes ortas ex iisdem affectibus et apparentiis, nam quia illa certitudo tantum practica est, et aliquo modo fundatur in aliqua probabilitate vel dubitatione, ideo ex illo capite oriri possunt hujusmodi timores, vel dubitationes, a quibus haec conscientia extrinsece denominatur scrupulosa, quae tamen non impedit honestatem actionis, ut supra dixi. Temeraria conscientia ad hanc ultimam revocanda est, habet enim eumdem modum iudicii, quem conscientia formaliter scrupulosa: nam sicut haec ex nimio timore propter solam apparentiam judicat malum, quod malum non est: ita illa ex nimio affectu propter solas apparentes rationes judicat honestum, quod honestum non est, atque ita constat tota ratio illius divisionis. Quomodo autem hic omnibus conscientiis utendum sit ad honeste operandum, declarandum superest.

SECTIO III.

Quanam conscientia sufficiat ad honeste operandum.

1. Primo constat aliquam requiri rectam ad honestam operationem, quo sensu docuit id D. Thomas, quæst. 19, art. 3, dependere bo-

nam voluntatem ex recta ratione, et ratio ejus est optima, quia voluntas pendet ex ratione, ut ostendente objectum, et ideo necessaria est ratio, quæ ostendat objectum honestum, ut voluntas sit honesta. Item voluntas est potentia cæca: indiget ergo dirigente et gubernante, ut recta tendat: hoc autem non est, nisi recta ratio, quæ hoc præstat per iudicium conscientiae: quocircasi hoc iudicium certum sit, non est dubium quin in suo genere sufficiat ad honestatem voluntatis, neque enim aliquid amplius ab homine requiri potest, cum et objectum propositum sufficiens sit, ut supponitur, et modus etiam proponendi sit perfectus quantum ab homine præstari potest: difficultas solum est, an hoc non solum sufficiat, sed etiam requiratur ad honestam operationem, et ratio dubii esse potest, quia iudicium probabile sufficit ad movendam voluntatem, et videtur etiam sufficere, ut rationabiliter moveatur, quia ad recte operandum humano modo sufficit quadam moralis diligentia: neque enim semper tenetur homo præstare summum, quod potest: habere autem certitudinem in singulis actionibus, vel excedit humanam diligentiam, vel summam requirit, quia incertæ providentiae nostræ: ergo sufficit probabilis cognitio. Confirmatur, nam ad male operandum non requiritur perfecta haec cognitio: ergo neque ad bonum.

2. *Prima conclusio.* — Dicendum primo, ut voluntas sit recta, necessarium esse ut sequatur iudicium conscientiae practice certum de honestate objecti et actionis: ita doctores omnes, D. Thomas, in 4, dist. 37, et quodlib. 8, art. 13, ubi expresse negat sufficere probabile conjecturam, quod intelligendum est de practica probabilitate. Idem hic, quæst. 19, art. 5 et 6, Cajetanus, tom. 1, Opusculorum, tract. 31, dub. 7, Adrianus, quodlib. 2, Navarrus, late, cap. *Si quis autem de Poenitentia*, dist. 7, Corduba 3, de Conscientia, quæst. 5. Ratio omnium est illud Eccles. 13: *Qui amat periculum, peribit in illo*: nam tenetur homo in suis operationibus cavere quantum potest omne periculum peccandi, et hoc sensu dicunt sœpe jura, ut sect. 5, dubio 6, citabimus, in dubiis tutiorem partem esse eligendam, et ad idem applicari potest illud Gregorii, lib. 8, epistola 30: *Grave est et indecens in re dubia certam proferre sententiam, refertur in cap. Grave*, 11, quæst. 3; ergo, ut homo recte moraliter operetur, oportet excludere omne dubium et periculum malitia: hoc autem non fit sine iudicio certo saltem practico.

DISPUTATIO XII. SECTIO III.

3. Dices hanc rationem recte probare requiri iudicium determinatum, quod excludat dubitationem, quasi privatiyam, non tamen probat requiri iudicium quod excludat formidinem, nam iudicium, probabile sufficit ad excludendum morale periculum malitia, quia jam præstat homo, quod moraliter potest. Respondeatur hoc argumentum declarare practicam certitudinem necessariam, quia si cum probabili iudicio speculativo excluditur periculum malitia, profecto ut homo rationabili, et humano more operetur, oportet ut hoc ipsum cognoscat et judicet, sed hoc ipso habet iudicium practice certum de honestate suæ actionis, quia ex principiis certis iudicat hic et nunc se operari sine periculo malitia. Unde sumitur confirmatio, nam semper potest homo facili negotio habere hanc certitudinem, quia si faciat moralem diligentiam, et juxta probabilem opinionem comparatam operetur, jam est certus practice de honestate actionis. Replicabis, quamvis verum sit, semper posse in re haberi hanc certitudinem, multos tamen esse posse ignorantes, qui non possint dubitationem, vel probabilitatem suam ad practicam certitudinem revocare, quia nesciunt reflecti super suam actionem et dispositionem. Respondeatur, quamvis sint multi, qui nesciant explicare hanc certitudinem per sua principia, nec reducere illam ad syllogisticam formam, tamen vix posse aliquem reperiri, qui ratione utatur, et tamen de suis actionibus nesciat iudicare, absque hæsitatione et formidine, se bene et secure operari, quando juxta cognitionem, quam assequitur, bona fide operatur, quod honestum videtur, et qui hoc iudicium ferre non potest, merito dici potest non operari ex perfecta humana deliberatione.

4. *Qualis certitudo requiratur in iudicio ut voluntas sit recta.* — Unde etiam intelligitur, qualis sit haec certitudo, quam requirimus, duplex enim distingui solet: una ex medio, et proportionata motivo iudicandi, altera ex parte subjecti, quæ potius temeritas quædam, vel pertinientia dici potest, quia excedit proportionem medii ex voluntaria adhæsione. Dicendum itaque est priorem certitudinem hic requiri: ratio est, quia haec debet esse certitudo prudentiae, quæ est certitudo virtutis intellectualis, hujusmodi autem certitudo semper oriatur ex medio, seu principiis propriis. Item certitudo, de qua agimus, habet conjunctam fallibilem veritatem, quia actus, qui sequitur ex hoc iudicio, infallibiliter est honestus: certi-

tudo autem ex parte subjecti tantum non habet conjunctam infallibilem veritatem.

5. *Secunda conclusio.* — Dicendum secundo ad malam operationem non requiri iudicium certum de malitia, sed satis est, quod homo voluntarie operetur sine iudicio certo de honestate. Hoc est certum ex principiis supra positis, nam bonum requirit causam integrum, et ideo postulat certam regulam et directionem: ad malitiam vero sufficit quicunque defectus. Item ad bonum non satis est operari, ita, ut accidere possit actionem esse bonam, nisi periculum malitia caveatur. Ad malum autem satis est se voluntarie exponere morali periculo malitia, et ideo hoc ipso, quod quis dubitet de bonitate actionis, vel malitia, satis est, ut male operetur. Dices hoc ipso, quod habeat tale iudicium, quasi speculativum, potest habere iudicium practice certum, quod sic operando male agit. Respondeatur verum esse ita posse haberi hoc iudicium, tamen non esse necesse, quod illud actu habeat, sicut necessarium est ad bonitatem.

6. *Ad malitiam an requiratur actuale conscientiae iudicium.* — Unde obiter expeditur aliud dubium supra tactum, quod hic attigit Medina, quæst. 19, art. 6, scilicet, an ad malitiam requiratur actuale iudicium conscientiae? Aliqui enim illud postulant, vñ determinate de ipsa malitia, vel saltem de dubitatione, et ambiguitate malitia et bonitatis ipsius. At vero Medina respondet, non semper requiri, quod mihi videtur verum de formalis et actuali iudicio honestatis et turpitudinis, aut dubitationis de illis, quia sufficere potest voluntaria carentia iudicii certi, seu quod idem est, voluntaria applicatio ad operationem sine tali iudicio, ut patet ex supradictis de inconsideratione voluntaria, et per haec responsum est rationi dubitandi in principio positæ.

SECTIO IV.

Quod iudicium conscientiae sufficiat ad inducendam obligationem homini, ut operetur, vel omittat, presertim si erret conscientia.

1. *Conscientia de se habet quod obligationem inducat.* — Primo, quod conscientia de se habeat, obligationem inducere, res certa est, et communis theologorum, quos referam, et sumitur ex illo Pauli ad Romanos 14: *Quod non est ex fide, peccatum est*, id est: quod non est secundum conscientiam, ut constat ex ipso contextu, et ex omnibus seu Græcis, seu Latini-

nis exponentibus, et ex Pontificebus supra relevantibus: unde licet Hieronymus, et Beda, et Augustinus 4, contra Julianum, cap. 3, interdum exponant de fide infusa, tamen non excludunt priorem expositionem; si ergo non agere secundum conscientiam est peccatum, conscientia obligationem inducit, nam omne peccatum est contra aliquam obligationem, atque idem colligitur ex illo ad Galatas 5: *Testificor omni homini circumidenti se, quia debitor est universæ legis facienda, scilicet ratione conscientiae, atque idem sumitur ex cap. Litteras, de Restitutione spoliatorum, capite ultimo, de Præscriptione, cap. Per tuas, 2, de Simonia, capite Inquisitionis, de Sententia excommunicationis, et cap. Si Virgo 34, quæst. 1. Ratio vero est eadem, quæ supra tacta est, quia voluntas est cæca potentia, quæ per se non potest percipere obligationem legis; obligatur ergo media ratione, quam ideo supra diximus legem indicantem. Unde reete D. Thomas, hie, q. 49, art. 5, dicit, conscientiam non proprie obligare tanquam per se causam, sed tanquam applicantem legem superioris, seu subjectum natura sua inducens talem obligationem.*

2. *Requiritur tamen ut conscientia judicet rem non solum esse bonam, sed etiam necessariam ad honestatem.* — Sed superest explicandum quas conditiones requirat conscientia, ut obliget, et potissimum dubium est an requirat veritatem et certitudinem: ex dictis enim sequitur, ut conscientia obliget, necessarium esse, ut in objecto obligationem proponat, ita ut non solum judicet aliquid esse bonum, sed etiam necessarium ad honestatem; potest enim conscientia proponere, ut obligatoriam rem malam, seu prohibitam, et tunc negant obligare, quia non potest habere vim contra legem superiorum, nec fieri potest, ut obliget conscientia ad malum: ita refert D. Thomas, hie, et ex parte indicat Alensis, 2, part. quæst. 137, memb. 3, art 1, tamen D. Thomas vocat hanc opinionem irrationabilem, id est, non consequenter loquentem, quia si in priori casu conscientia obligat, ideo est, quia proponit apparentem legem ubi non est, et voluntas hominis, sicut non movetur ex his, quæ in re sunt, sed quæ sibi apparent, ita etiam non obligatur, nisi juxta legem cognitam veram, vel apparentem; sed quæ potest ratio proponere apparentem legem circa rem malam, vel prohibitam, sicut circa indifferentem, vel bonam, ut circa mendacium: ergo eadem est de utroque ratio.

5. *Tertia opinio.* — Tertia opinio negat, hanc conscientiam obligare, sed ligare. Ita Du-

inducit obligationem, neque facit contrariam omissionem malam: atque hinc ulterius extra controversiam est, quando hoc judicium conscientiae est verum, quia nimur in re est illa lux, quam conscientia proponit, tunc sine dubio inducere obligationem, quia concurrunt omnia, quæ desiderari possunt, tam ex parte cause per se, quam ex parte applicationis. Difficultas est, quando conscientia applicat legem, quæ in re non est, prout dicitur fieri in conscientia erronea, in quo sunt varii modi dicendi.

3. *Conscientiam erroneam non obligare.* — *Prima opinio.* — Prima opinio absolute negat hujusmodi conscientiam inducere obligationem, ut refert Glossa, cap. Omnes, § Ex his 28, quæst. 1, et potest ita suaderi ex Cajetano hic, art. 5 et 6, quia conscientia, vel obligat ratione legis, quam applicat, vel ratione acceptationis: sed hæc conscientia non obligat priori titulo, quia revera non applicat legem, neque etiam posteriori, quia pendet hæc ex voluntate hominis habentis talem conscientiam, quia suo arbitrio potest illam non acceptare, sed deponere, ut Cajetanus ibi dicit.

4. *Secunda opinio.* — Secunda opinio distinctione utitur, potest enim conscientia proponere obligationem, quæ in re non est, quamvis etiam non sit in illa prohibito: ut quando rem indifferentem, vel etiam bonam, quæ tantum est sub consilio, proponit ut præceptam et necessariam, et tunc dicitur obligare, quia nulla est major vis, quæ possit talem obligationem impedire. Aliando vero potest conscientia proponere, ut obligatoriam rem malam, seu prohibitam, et tunc negant obligare, quia non potest habere vim contra legem superiorum, nec fieri potest, ut obliget conscientia ad malum: ita refert D. Thomas, hie, et ex parte indicat Alensis, 2, part. quæst. 137, memb. 3, art 1, tamen D. Thomas vocat hanc opinionem irrationabilem, id est, non consequenter loquentem, quia si in priori casu conscientia obligat, ideo est, quia proponit apparentem legem ubi non est, et voluntas hominis, sicut non movetur ex his, quæ in re sunt, sed quæ sibi apparent, ita etiam non obligatur, nisi juxta legem cognitam veram, vel apparentem; sed quæ potest ratio proponere apparentem legem circa rem malam, vel prohibitam, sicut circa indifferentem, vel bonam, ut circa mendacium: ergo eadem est de utroque ratio.

8. *Primum corollarium.* — Atque hinc infert primo actum illum, quo voluntas se conformat huic conscientiae, esse bonum, imo et

randus, in 2, dist. 39, quæst. 5, et idem fere sentiunt, qui dicunt obligare non simpliciter ad id quod proponit, sed disjunctive, scilicet vel ut talis conscientia deponatur, vel ut fiat, quod proponit, quomodo etiam loquitur Alensis, supra, et haec opinio parum differt a communis, non tamen est cur negetur modus loquendi. Ut tamen melius procedamus, distinguamus hanc erroneam conscientiam in invincibilem et vincibilem, seu voluntariam.

6. *Dicendum primo, conscientiam, quamvis erret, si invincibilis sit, absolute, et simpliciter obligare.* Ita D. Thomas, hie, et reliqui doctores, in 2, dist. 39, Bonaventura, art. 4, q. 3, Richardus, a. 1, q. 3, Gabriel, a. 3, Ocham, in 3, q. 3, Henricus 2, 2, quodlib. 1, q. 48, Antoninus, 1 part., tit. 3, cap. 10 § 4, Adrianus, quodlib. 4, art. 2, Almainus, tract. 1, Moralium, cap. 5, Corduba, q. 4, et a fortiori patet ex locis Pauli supra citatis, loquitur enim de conscientia errante. Unde ad Roman. 14: *Qui infirmus est (inquit), solus manducet, et supra, scio in Domino, quia nihil est commune per ipsum nisi ei, qui existimant aliquid commune esse.* alio vero loco sermonem habet de his, qui post Evangelium putabant circumcisionem esse necessariam, 1, ad Corinth. 8: *Conscientia eorum cum fit infirma polluitur.*

7. *Ratio vero est supra tacta, quia cum homo per rationem obligetur, juxta modum et mensuram suæ cognitionis obligatur: ergo si faciendo, quod in se est, prout ad invincibilem conscientiam requiritur, adhuc judicat aliquid esse præceptum, obligatur ex vi talis judicii.* Secundo, quia ille non potest honeste agere contra talem conscientiam, illa durante, ageret enim temere, et voluntarie amplectetur id, quod sub ratione mali proponitur, neque etiam potest illam deponere, qui supponit esse invincibilis, ut infra dicam: conscientia enim non potest deponi, ita ut hominem excusat, nisi ex prudenti et sufficienti iudicio fiat, quia alioqui esset evidens periculum errandi: in casu autem de quo agimus, non potest intervenire hujusmodi motivum, alioquin non esset ignorantia invincibilis. Tertio, quia hujusmodi conscientiae judicium est practica verum et certum, quia cum procedat ex ignorantia invincibili speculativa, reducendum est ad principia practica certa: ergo hic et nunc vere obligat, sicut per se ipsum judicatur.

10. *Secunda assertio.* — *Dicendum secundo, si conscientia erret ex ignorantia voluntaria, tenetur homo adhibere diligentiam, vel ignorantiam talem tollat, vel invincibilem reddat;* quod si hoc non faciat, tenetur conscientiae obedire, et obediendo non evitat culpam. *Conclusio proprie procedit, quando hujusmodi conscientiae judicium est de actu in se malo, ut in exemplo de mendacio: nam si actus esset bonus, vel indifferens, errorque tantum esset circa obligationem, non tenetur homo expell-*

ejusdem virtutis, cuius esset, si re vera objectum a parte rei tale esset, ut si ex hac conscientia erronea aliquis judicet, se teneri ad mentionandum, ut proximo periclitanti subveniat, ille actus voluntatis erit vere actus misericordiae: patet a fortiori ex dictis, quia si homo simpliciter obligatur ad illum actum, ergo est bonus. Item ille homo non peccat in eo actu: ergo bene operatur. Item illa conscientia est practice vera: ergo appetitus illi respondens est rectus. Tandem, quia objectum in re ipsa non specificat, sed ut proponitur: hic autem sufficienter, aut prudentia proponitur, quia sub ratione honesti; ergo, etc. Hie vero occurribant difficultates ad alias speciales materias pertinentes, ut de fide, utrum possit ex ignorantia invincibili haberi actus fidei, vel pia affectionis circa falsum. Item, an liceat de tali actu gaudere, quod tractatur in materia de peccatis, et delectatione morosa. Item, an liceat consulere, de quo in materia de correctione fraternali et de confessione.

9. *Secundum corollarium.* — *Secundo sequitur ex dictis in hujusmodi casu obligationem oriri ex vi præcepti illius virtutis, ad quam pertinet talis actus, ut in prædicto casu de mendacio, obligatio nascitur ex præcepto misericordiae, quod obligat hominem quotiescumque sufficienter existimat in re subesse sufficienter necessitatem proximi, cui potest comode subvenire, et idem est in similibus.* Unde facile solvitur difficultas in contrarium, quia tunc homo formaliter non obligatur ad malum, sed ad bonum, unde si quid malitia videtur reperiri in exteriori actu, est materialiter, ut est quoddam materiale objectum, non vero quatenus est actio humana. Unde etiam non proprio sequitur obligari hominem contra legem Dei, cum obligetur ad actum virtutis: materialiter autem videtur esse obligatio contra quoddam Dei legem, quæ tunc non obligat, quia excusat homo per ignorantiam, et per aliam fortiorum Dei legem obediendi prudenti conscientiae.

lere hanc ignorantiam si tali conscientiae vult obediens, atque hoc modo probatur facile prima pars conclusionis, quia homo habens hujusmodi conscientiam, non solum est in periculo peccandi, sed etiam in perplexitate, nam durans in eo statu, quidquid faciat peccabit: ergo tenetur adhibere diligentiam, ut ab eo statu exeat.

11. Unde probatur secunda pars, quia homo debet ratione regi: ergo si hic et nunc per rationem judicat se teneri ad aliud, quamdiu non mutat dictamen rationis, neque ad hoc adhibet diligentiam, cogetur tale dictamen sequi, quia alias, et temere, et sine ratione resisteret, et prosequeretur actum existimat malum; et revera in hoc casu loquitur Paulus, citatis locis, prasertim ad Galat., agit enim de illis, qui ex errore culpabili volebant circumcidere, et ita haec est etiam communis sententia doctorum, quos supra citavi, et D. Thomæ, quæst. 17, de Veritate: videri etiam potest in re differt, cum dicit hanc conscientiam ligare, quia non loquitur de materiali vinculo, sed de morali, quod non est, nisi obligationis cujusdam, quia haec non est immediate ad operandum, nec simpliciter, sed ex suppositione, quod homo non adhibeat diligentiam, et quia etiam tunc, ita hominem obligat, ut reddat eum perplexum, ideo ad hoc distinguendum vocavit hoc potius ligamen quoddam, quam obligationem: res tamen una et eadem est.

12. Ultima pars conclusionis patet ex supradictis, quia illa ignorantia est voluntaria: ergo et malitia objecti, seu exterioris actus: ergo voluntas non excusat a culpa, neque est inconveniens hominem esse perplexum ex negligientia sua: legatur Gregorius 32, Moral., cap. 18, et habetur in cap. Nervi, dist. 13.

13. Sed quæres primo, an in eo actu interiori tunc sit aliqua bonitas ex objecto saltem. Respondetur actum illum simpliciter non esse bonum, quia ad minimum caret debita circumstantia, et debito modo operandi: an vero cum hac malitia possit haberi aliqua bonitas supra dictum est, imo addit Ochamus, supra, in illo actu esse duplē rationem peccati, unam omissionis debitæ diligentia, alteram commissionis peccati existimati: sed hoc non est necessarium, quia illa omissione non est mala, nisi quatenus est causa talis commissionis. Quæres secundo, in ea perplexitate, quid sit minus malum, seu quid potius eligendum, agere contra talem conscientiam, vel secundum illam, de quo late Corduba, quæstione quarta, dubio secundo. Dicendum breviter non posse regulam

generalem dari, quia interdum unum potest esse gravius, interdum aliud, pro ratione actionum et preceptorum, et conscientiae, seu existimationis operantis. Loquendo tamen ex genere, majus malum videtur agere contra conscientiam, quia tunc homo magis directe amplectitur malitiam existimatam, seu cognitam.

14. *Agere contra conscientiam præsentem est intrinsece malum.*—Atque hinc sequitur primo agere contra conscientiam in universum esse intrinsece malum, ut recte D. Thomas, q. 19, art. 5, et probant omnia adducta: addit vero Almainus, tract. 3, Moral., cap. 15, ex dispensatione Dei hoc posse licere, quod probabile existimat Corduba, quæst. 10, licet probabilius oppositum, quod mihi videtur certum cum Adriano, quodlibet 2, art. 3, quia vel illa voluntas Dei fit nota homini, et sic faciet mutare conscientiam: si autem non est nota voluntas, retinebit eamdem malitiam, nam voluntarie amplecteteretur, quod existimat non licere: an vero haec circumstantia agendi contra conscientiam, addat novam malitiæ speciem, ut putavit Angelus, cap. 7, Moralium, vel saltem malitiam notabiliter aggravantem, et in confessione aperiendam, ut judicavit Adrianus, in 4, alibi in materia de confessione tractandum est, in utroque enim pars negativa est prior, quia hujusmodi circumstantia solum facit actum esse magis directe voluntarium: satis ergo erit declarare speciem peccati.

15. *Agere contra conscientiam præteritam aliquando licet.*—Secundo sequitur agere contra conscientiam præteritam, mutando illam, non esse intrinsece malum, sed potius valde conveniens saepe ad vitandum malum: ratio est, quia hujusmodi mutatio conscientiae sepe est rationabilis et necessaria, imo ad hoc adhibetur diligentia: ut nova ratione, vel auctoritate inventa, veritas cognoscatur, et si oportuerit prius judicium mutetur: ergo hoc, per se loquendo, bonum est. Mutato autem judicio, jam non est regula voluntatis illud, quod præcessit, sed quod adest: ergo non male facit voluntas discordando a priori judicio, imo ad hoc saepe tenebitur, si hoc dictetur per judicium, seu conscientiam præteriti formata.

16. *Deponere conscientiam quid sit.*—Tertio intelligitur, quid sit deponere conscientiam, et quomodo licet, vel etiam saepe necessarium sit ad malum vitandum, ut omnes doctores docent, nam deponere nihil aliud est, quam mutare judicium, vel speculativum simul et practicum, vel saltem practicum, quasi suspenden-

do judicium speculativum, et non applicando illud ad opus, ut bene Cajetanus, art. 5, qui tamen non recte dicit, hoc posse fieri ad libitum hominis, nam revera sic temere fieret, et moraliter se exponeret homo infinitis periculis peccandi. Debet ergo fieri ex sufficienti aliqua auctoritate, vel ratione, vel per sufficientia principia practica, per quæ homo sibi rationabiliter persuadet hic et nunc licite posse non operari juxta tale judicium speculativum, et tunc fit deposita conscientia formaliter alia, quæ et ad malitiam excusandam, et ad bene operandum sufficiens erit, ut ex dictis patet.

SECTIO V.

Quomodo possit homo licite operari cum conscientia dubia.

1. *Dubium in quo proprie consistat.*—Dubium consistit in quadam mentis ambiguitate, et voluntariae judicii suspensione, non solum quoad exercitum: hoc enim non est satis ad dubitandum: nam circa res certissimas possumus considerationem, vel judicium suspendere, sed etiam quoad specificationem, quia nimur voluntas non determinet intellectum ad alteram partem, quia non invenit sufficientem rationem: unde non videtur haec dubitatio includere solam parentiam actus circa rem de qua dubitatur, ut existimat Cano 12, de Locis, cap. 10, sed etiam cognitionem, seu judicium quasi reflexum, de insufficientia medii, seu rationis ad assentiendum, et hoc modo dubium interdum includit errorem, ut in eo qui dubitat de rebus fidei deliberare, quomodo dixit Augustinus, in Enchirid., cap. 17, falli eum qui judicat incerta ea, quæ certa sunt: interdum vero potest esse hoc dubium sine errore, ut quando revera non subest sufficientis ratio determinans intellectum, quod potest contingere, vel propter negationem medii in utramque partem, ut, an astra sint paria: vel propter rationes utrinque probabiles cum tanta æquitate, ut intellectus merito dubitet, et suspendat assensum.

2. *Prima conclusio.*—Primo igitur certum est, quando hujusmodi genus dubii intervenit in ipsomet judicio pratico, quo voluntas determinanda est ad honeste operandum, tunc non posse conscientiam hoc modo dubiam sufficere ad honestatem operationem, quod docent omnes theologi citati et citandi, et constat ex dictis, sect. 2, nam haec dubitatio excludit certitudinem practicam de honestate

actionis, quam supra diximus esse necessariam ad bonam operationem: ergo conscientia sic dubia formaliter et intrinsece non potest sufficere ad bene operandum: unde fit quotiescumque homo dubitat hoc modo, an actio sit bona, vel mala; in omissione autem nullam malitiam timet, teneri semper ad omittendam talen actionem, de quo videri possunt Adrianus, quodlib. 2, Sylvester, Confessor. 3, § 10, Corduba, lib. 3, quæst. 4 et 5, Navarrus, cap. Si quis autem, de Poenitentia, dist. 7, ex quo textu potest hoc confirmari, et ex cap. Ad audientiam, de Homicidio, et ex aliis decretis, quæ constituant illam regulam. In dubiis tuitionem partem esse eligendam, cap. Jurenis, de Sponsalibus, c. Significasti, 2, de Homicidio, et cap. Habuisse, dist. 33, nam hæc regula potissimum verum habet, quando dubium est practicum, et ratio est clara, quia tunc non licet operari cum tali dubio, quia exponit se homo periculo peccandi: ergo omnino debet cessare, cum illa via certa sit ad vitandum omne periculum. Aliqui autem limitant hanc regulam, quando ex tali omissione sequitur grave aliquid damnum, quia videtur nimis grave obligare tunc hominem ad sustinendum certum damnum propter dubium incertum; sed formaliter ac proprie, nulla est possibilis limitatio, quia operari cum tali conscientia semper est intrinsece malum, ut ostensum est: fieri autem potest, ut per occurrentes circumstantias licitum sit homini practice deponere tale dubium, et definite judicare stante hac cognitione, et hoc periculo hic et nunc non esse malum sibi exercere talem actionem, et ita semper oportet, ut saltem per principia extrinseca, vel per aliorum auctoritatem determinetur homo ad hoc judicium.

3. *Quæstiuncula suborta.*—Sed quid si utrinque est dubium de malitia tam in agendo quam in omittendo, ut si dubitat, an sit malum omittere Missam propter urgens præceptum, aut e contra, an sit etiam malum illam audire propter impedimentum, quod appetit necessarium. Respondetur debere hominem tunc inquirere, vel per rationem, vel per aliorum doctrinam: quod si non possit, et per se ipsum debeat brevi tempore determinare, si bona fide faciat quod potest, et id eligat quod minus malum videtur, non peccabit: semper tamen debet in ipso pratico et actuali exercitio operis, hoc sibi practice persuadere, et ratio est, quia si homo faciat moralem diligentiam, et bona fide procedat, non potest esse perplexus, ut necessario debeat malum operari